

UDALBATZAK 2013KO MAIATZAREN 28AN EGINIKO OHIKO OSOKO BILKURARI DAGOKION AKTA

Errenteriako Udaletxean, bi mila hamahiruko maiatzaren 28ko arratsaldeko 18:35 zirela, lehenengo deialdian eta Julen MENDOZA PEREZ alkate jaunaren esanetara, ondorengo zinegotziak elkartu dira:

- Garazi LOPEZ DE ECHEZARRETA AUZMENDI
- Luis Maria DIEZ GABILONDO
- Miren Alazne KORTA ZULAIKA
- Unai UNSUAIN ELVIRA
- Iruñe BALENCIAGA ARRESE
- Jon TXASKO ORGILLES
- Asier MUJIKA ETXANIZ
- Maria RODRIGUEZ RODRIGUEZ
- Joaquin ACOSTA PACHECO
- Joseba ECHARTE MARTIN
- M^a Angeles MACHIN RODRIGUEZ
- Jose Angel RODRIGUEZ MEDINA
- M^a del Mar CARRILLO GASCON
- Isaac PALENCIA CABALLERO
- Maite PEÑA LOPEZ
- Jose Ignacio IRASTORZA GARCIA
- Marta BAREA JUARISTI
- Jose Manuel HERZOG DE BUSTOS
- M^a Angeles BASTOS FERNANDEZ
- Jose Manuel FERRADAS FREIJO

Bertan dago, ekitaldiaz fede emateko, Begoña BUENO BARRANCO idazkari nagusia.

Era berean, bertan dago Jesus SANCHEZ HERNANDEZ jarduneko udal kontu-hartzailea.

1. Udalbatzak 2013ko martxoaren 21ean eta apirilaren 30ean eginiko ohiko osoko bilkurei dagozkien akten irakurketa eta onespena, bidezkoa bada.

Idazkari nagusiak 2013ko martxoaren 21eko eta apirilaren 30eko ohiko osoko bilkurei dagozkien aktak irakurri ondoren.

* Mendoza alkate jaunak (O.E. BILDU) esan du martxoaren 21eko akta berriro ekarri dutela, besteak beste, alderdi sozialistako ordezkariak, eman ziren datuak horrelakoak baziren, batuketa orokorra ez zela egokia Kabiako gastuen aferan esan zuelako. Gaineratu du, orain, nahiz eta kontuak argituak izan diren e-mail bidez, berriro argitu nahi dituela. Horrela, batuketa orokorra ondo zegoen, baina akats bat zegoen publizitate atalari zegokionean, zeina 2,960 €-koa zela azaltzen baitzen, errealitatean 2.690 €-koa zelarik. Soinu-instalaketari zegokiona, berriz, 2.886 € azaltzen zen, errealitatean 2.286 €-koa zelarik. Era berean, aukera hori aprobetxatu nahi du alderdi sozialistako ordezkariak atera zuen fakturaren inguruan zera esateko: baietz, bazeudela jasota ez zeuden bi faktura, hain zuzen departamentu ezberdinetakoak zirelako. Begiratzen aritu dira, eta konturatu dira alderdi sozialistak ateratako fakturaz gain, bazegoela beste 1.476 €-ko bat, hain zuzen "Sahara Korrika"-ren inguruan Kirol Patronatuak eginiko kamiseta batzuei zegokiena. Horixe izan da egindako

berrikusketan atera ahal izan dutena, bere aburuz, dena jasota geratu dena eta kostu horiekin inolako arazorik egon beharko ez zukeena. Jarraian, galdetu du, ea inork baduen zerbait esateko onartzeko jarri dituzten akten inguruan. Inork ez duenez ezer aitatu.

Ondoren.

Onartu dituzte bestelako oharrik egin gabe.

2. Ondorengo ebazpenen berri ematea: Alkatetzarenak (298 zk.tik 394 zk.ra) Zinegotzi-ordezkarrienak (616 zk.tik 770 zk.ra, biak barne) eta Tokiko Gobernu Batzarrarenak.

Idazkariak ondorengo ebazpenen berri eman du: Alkatetzarenak (298 zk.tik 394 zk.ra) Zinegotzi-ordezkarrienak (616 zk.tik 770 zk.ra, biak barne) eta Tokiko Gobernu Batzarrarenak.

Udalbatza jakinaren gainean geratu da.

3. Proposamena: Errenteriako Udalaren organo kolegiatuen Araudi Organikoaren aldaketa.

Mendoza alkate jaunak (O.E. BILDU) proposatuta, gaia mahai gainean geratu da.

4. Proposamena: baldintza-agiriak onartzea garaje plazen herri jabariko emakidarako Parke eta Urdaburu kaleetan (10/01 EU) kokaturiko lur azpiko aparkalekuan. 1 Eraikina (sarrera Parke kaletik).

Udalari interesgarri iruditu zaio aparkaleku bat eraikitzea Errenteriako Hiri Antolamendurako Plan Orokorraren 10 Area: Galtzaraborda Mendebaldean, 10/01 EU: Frontoian.

Planeamenduan aurreikusita dago sektore horretan aparkaleku bat eraikitzea, eta 2010eko otsailaren 26an Udalbatzak onartu zuen horretarako Xehetasun Azterlana.

2010eko uztailaren 16ko Udalbatzaren akordioaren arabera, Errenteria Garatuz udal sozietateari eman zitzaion aparkaleku horren kudeaketa. Eta, horrek berekin dakar horretarako beharrezkoak diren obrak burutzeko betebeharra, eta, ondorio horiek izan ditzan ekipamendua eraikiko den lur-sailaren erabilera, ustiapena eta mantentze-lanak egozten zaizkio.

Garajetako bi eraikuntza eraiki dira: bata, Parke kaletik sarrera duena (1 eraikina), eta, bestea, Urdaburu kaletik sarrera duena (2 eraikina).

Bi eraikinak bereizita daude eta berezitako bi komunitate izatea erabaki da herri jabariko emakida egiteko.

Obra ia-ia bukaturik dago, azken erremateak falta dira abian jarri eta harrera egiteko.

1. eraikineko (sarrera Parke kaletik duena) ezaugarriak honakoak dira:

1. ERAIKINA

Bi solairuko eraikina da, 58 garaje plaza dituena, guztiak irekiak:

0 Maila (28 plaza, 1etik 28ra arteko zenbakiak)

- Guztiak irekiak daude

- 2 plaza egokiturik daude

1 Maila (30 plaza, 29tik 58ra arteko zenbakiak)

- Guztiak irekiak dadue

Garaje plaza horiek lagatzeko araudia denbora jakin batean herri jabariko emakida da.

Orain garaje-plazen herri jabariko emakidaren espediente tramatatu behar da, dagozkion baldintza-agiriak onartzearekin batera.

Kontratazio eta Ondare Saileko arduradunak txostena eman du 2013ko apirilaren 29an.

Udal Arkitekto teknikoak txostena eman du 2013ko apirilaren 29an.

Errenteria Garatuz S.A. Udal Sozietatearen Administrazio Batzordeak akordioa hartu zuen, 2013ko maitzaren 2ko bileran,

Lehendakaritza eta Barne Antolaketako batzordeak proposatuta.

Udalbatzak, aho batez,

E R A B A K I D U

- Baldintza-agiriak onartzea garaje-plazen herri jabariko emakidarako Parke eta Urdaburu kaleetan (10/01 EU) kokaturiko lur azpiko aparkalekuan. 1. Eraikina (sarrera Parke kaletik duena). Baldintza-agiriak honekin batera doaz Eranskin gisa espedientean.

- Plaza horietan interesatuek eskabideak aurkez ditzaten hilabeteko (1) epea irekiko da akordio hau Gipuzkoako Aldizkari Ofizialean argitaratzen denetik eta baldintza-agiri horietan araututako baldintza betetzen dituztenentzat.

5. Proposamena: baldintza-agiriak onartzea garaje plazen herri jabariko emakidarako Parke eta Urdaburu kaleetan (10/01 EU) kokaturiko lur azpiko aparkalekuan. 2 Eraikina (sarrera Urdaburu kaletik duena).

Udalari interesgarria iruditu zaio aparkaleku bat eraikitzea Errenteriako Hiri Antolamendurako Plan Orokorraren 10 Area: Galtzaraborda arean, 10/01 EU: Frontoian.

Planeamenduan aurreikusita dago sektore horretan aparkaleku bat eraikitzea, 2010eko otsailaren 26an Udalbatzak harturiko akordioaren arabera. Bertan horretarako onartu zuten Xehetasun Azterketa egitea.

2010eko uztailaren 16ko Udalbatzaren akordioaren arabera, Errenteria Garatuz udal sozietateari eman zitzaion aparkaleku horren kudeaketa. Eta, horrek berekin dakar horretarako beharrezkoak diren obrak burutzeko betebeharra, eta, ondorio horiek izan ditzan ekipamendua eraikiko den lur-sailaren erabilera, ustiapena eta mantentze-lanak egotzen zaizkio.

Garajetako bi eraikuntza eraiki dira: bata, sarrera Parke kaletik duena (1. eraikina), eta, bestea, sarrera Urdaburu kaletik duena (2. eraikina).

Bi eraikinak bereizita daude eta berezitako bi komunitate izatea erabaki da herri jabariko emakida egiteko.

Obra i-ia bukatu dago, azken erremateak falta dira abian jarri eta harrera egiteko.

2. eraikineko (sarrera Urdaburu kaletik duena) ezaugarriak honakoak dira:

2. ERAIKINA

Lau solairuko eraikina da, 53 garaje plaza dituena:

0 Maila (Udalaren lokala)

1 Maila (18 plaza, 36tik 53ra arteko zenbakiak)

- 12 plaza itxiak,

- 6 plaza irekiak

2 Maila (18 plaza, 18tik 35era arteko zenbakiak)

- 10 plaza itxiak

- 8 plaza irekiak

3 Maila (17 plaza, 1etik 17ra arteko zenbakiak)

- 8 plaza itxiak

- 7 plaza irekiak,

- 2 plaza irekiak eta egokituak

Garaje plaza horiek lagatzeko araudia denbora jakin batean herri jabariko emakida da.

Orain garaje-plazen herri jabariko emakidaren espedientea tramitatu behar da, dagozkion baldintza-agiriak onartzearekin batera.

Kontratazio eta Ondare Saileko arduradunak txostena eman du 2013ko apirilaren 29an.

Udal Arkitekto Teknikoak txostena eman du, 2013ko apirilaren 29an.

Errenteria garatuz S.A. Udal Sozietatearen Administrazio Batzordeak akordioa hartu zuen, 2013ko maitzaren 2ko bileran,

Lehendakaritza eta Barne-antolaketako Batzordeak proposatuta.

Udalbatzak, aho batez,

E R A B A K I D U

- Baldintza-agiriak onartzea garaje-plazen herri jabariko emakidarako Parke eta Urdaburu kaleetan (10/01 EU) kokaturiko lur azpiko aparkalekuan. 2. eraikina (sarrera Urdaburu kaletik duena). Baldintza-agiriak honekin batera doaz eranskin gisa espedientean.

- Plaza horietan interesatuek eskabideak aurkez ditzaten hilabeteko (1) epea irekiko da akordio hau Gipuzkoako Aldizkari Ofizialean argitaratzen denetik, baldintza-agiri horietan araututako baldintza betetzen dituztenentzat.

6. EAJ/PNV jabearekin elkarrekiko akordioa erdiesteko onarpen proposamena, Errenteriako Hiri Antolamendurako Plan Orokorren 14/04 EU: Lehendakari Agirre plaza eskuhartze unitatearen garapenerako aurreikusitako obrak egiteko nahiezko desjabetze espedientean ondasunak eta eskubideak desjabetu zaizkiolako.

Aurrekariak.-

2005eko martxoaren 17an egindako bilkuran Udalbatzak erabaki zuen hasiera batez onartzea 14/04 EU: Lehendakari Agirre plaza esku-hartze unitatearen garapenean eragindako ondasun eta eskubideak nahitaez desjabetzeko espedientea.

2005eko maiatzaren 27an egindako bilkuran Udalbatzak erabaki zuen 14/04 EU: Lehendakari Agirre plaza esku-hartze unitatearen garapenerako aurreikusitako obrak egiteko garaian eragindako jabe, ondasun eta eskubideen behin betiko zerranda onartzea.

Uztailaren 26ko 196/2005eko lehendakariaren Dekretu bidez, erabaki zen Errenteriako Udalak urgentziaz hartzea, nahitaezko desjabetzearen ondorioetarako, 14/04 EU: Lehendakari Agirre plaza esku-hartze unitatearen garapenerako aurreikusitako obrak eragindako ondasun eta eskubideak.

2006ko uztailaren 3an akta egin zen 1. zenbakiko finkarako, eragindako ondasun eta eskubideen jabearena, hain zuzen ere.

2006ko uztailaren 28ko Alkatetza ebazpen bidez erabaki zen 1. finkaren balio justua zehazteko faseari hasiera ematea, baita fase horren tramitazioa bertan behera uztea ere, harik eta desjabetu beharreko ondasunaren titularitatea epai bidez erabaki arte.

EAJ/PNVk behin betiko epaia, hain zuzen ere desjabetutako eraikinaren jabe zela aitortzen zuen epaia eman zela jakinarazi ondoren, Udalarari eskatu zion balio justua zehazteko fasearen tramitazioaren etetea altxatzeko.

2012ko irailaren 7ko Alkatetza ebazpen bidez erabaki zen balio justua zehazteko fasearen tramitazioaren etetea altxatzea, eta EAJ/PNVri deitu zitzaion elkar-erabakia lortzeko asmoz, hain zuzen desjabetutako ondasuna erostea ahalbidetzeko, baita, behin epe bat pasatu ondoren, prezio-orria eskatu ere.

2012ko azaroaren 5ean, EAJ/PNVk prezio-orria bidali zuen epeak betetzen jarraitu ahal izateko

Legez aurreikusitako epea pasatu ondoren, Udalak bere prezio-orria formulatu zuen eta horren berri eman zion jabeari onartu ala ezezkoa eman ziezaion.

Akordio batera iritsi ondoren, 2013ko maiatzaren 2an EAJ/PNVko ordezkariak dokumentu bat bidali du eta bertan akordioaren xehetasunak zehazten dira. Honekin elkar-erabaki batera iritsi nahi da eta horrela desjabetzearen espedientea bukatutzat eman.

2013ko maiatzaren 2an Ramón Ruiz de Mendoza udal arkitektoak EAJ/PNVrekin elkar-erabakiko aktaren aldeko txostena egin du.

2013ko maiatzaren 2an Vicente Castiella udal aholkulari juridikoak gai honi buruzko txostena egin du.

Kontu-hartzaileordeak 2013ko maiatzaren 6an egindako txostena ikusi ondoren.

Hirigintza Batzordeak proposatuta.

Jarraian, mintzatu dira:

* Herzorg jaunak (PP) esan du ez duela inolako zalantzarik Miguel Buen alkate ona izan zela, izan ere haren hanka handi samarra izango zatekeen, bere arrastoa 2013ra arte iritsiko delako. Hortaz, zoriontzen du Miguel Buen, berak hasi zuelako desjabetze-espedientea. Eta zoriontzen du Udalbatza, EAJ eta Alkatea, hamarkada bateko obra burutzea lortu dutelako.

* Peña andreak (EAJ/PNV) esan du berak ere, oro har, Udalbatza zoriontzen duela, akordioa erdietsi eta espedientea burutu duelako. Haatik, gauzak bere lekuan jartzeagatik, ez dute ahaztu behar tartean prozedura judizial izan dutela, higiezinaren jabetza auzitan zegoena hain zuzen ere. Hortaz, berori EAJren alde erabaki ez den bitartean, ezin izan dute aurrera egin Udalean espediente administratiboarekin.

* Rodríguez jaunak (Socialistas Vascos-Euskal Sozialistak) esan du pozten direla akordioa lortu dutelako, eurek, horrekin, asebeteta geratzen dira.

* Mendoza alkate jaunak (O.E. BILDU) uste du garrantzitsua dela aitatzea, beste noizbait egin bada ere, zein den edukia eta zergatik den pozteko moduko akordioa Udal honentzat, beste gauzen artean, batetik egiten zen eskaria –4 milioi ingurukoa, korrituak barne– eta bestetik egiten zen eskaintza, bere aburuz, Udalaren intereserako termino egokietan ixtea erdietsi dutelako. Eta berari interesgarria iruditzen zaio akordio honek ez dituelako itotzen Udalaren kontuak. Beretzat hori oso garrantzitsua da, hasiera batean 4 milioi euroz hitz egiten ari zirelako, eta pixkana-pixkana beste termino batzuetara iritsi direlako, eta gainera, espezieetan ere egitea onartua izan delako. Horrez gain, bere aburuz, badago beste elementu inportante bat ere, non ordainketa atzeratua izan denez, Udalari zorra hori asumitzeko aukera ematen baitzaio. Are gehiago -dio-, lehenengo ordainketa 2014an egingo denez, berori lehendik deposituan zeuden 200.000 €-rekin egingo da, bere garaian gai honentzako Udalak jarritakoak. Horrek esan nahi du kontu honek 2015eko aurrekontuak arte ez duela eraginik izango, eta hori onuragarria da Udal honentzako, gaineratu du.

Mintzaldiak amaitutakoan.

Udalbatzak, aho batez,

E R A B A K I D U

1.- **Onartzea** EAJ/PNVk, jabetza moduan aurkeztutako elkar erabaki dokumentua, Errenteriako Hiri antolamendurako Plan Orokorren 14/04 EU: Lehendakari Agirre plaza eskuhartze unitatearen garapenerako aurreikusitako obrak egiteko nahiezko desjabetze espedientean ondasunak eta eskubideak desjabetu zaizkiolako, eta ondorioz:

a) Espedientea **abian jartzea** Koldo Mitxelena plaza eta Morrongileta kaleko hainbat ezkaratzetako etxabeen dauden udal lokalaren bi zatien kalifikazio juridikoa aldatzeko (30,00 m-karratu eta 113,00 m-karratu dituztenak). Lokala Udal Ondarera pasako da ondare gisa sailkaturik.

b) **Jendaurrean** jartzea espedientea hilabeteko epean eta horretarako iragarkia GLHAOn eta lurraldean gehien irakurtzen den egunkarienetako batean argitara emango da, dagozkien erreklamazioak egin ahal izateko. Erreklamazioak, egingo balira, Udalbatzak erabakiko lituzke.

Behin epe hori igarotakoan, Udalbatzak, gehiengo osoaren aldeko botoekin, espedientea gauzatzeko hartu beharreko erabakia hartuko du.

c) EAJ/PNVri **eskualdatzea** erregistratutako 481,25 m.karratuko lokala, hain zuzen ere aipatutako desjabetze espedientearen balio justuaren zati bat gisa.

Ordaintzea EAJ/PNVri, balio justuaren gainontzeko gisa, 800.000,- €ko diru-kopurua, honako epe hauetan:

200.000,- €, 2014ko urtarrilak 31 baino lehen.

200.000,- €, 2015ko urtarrilak 31 baino lehen.

200.000,- €, 2016ko urtarrilak 31 baino lehen.

200.000,- €, 2017ko urtarrilak 31 baino lehen.

2.- Desjabetzeko espedientean elkar-erabaki akta **izenpetza** aipaturiko zentzuan.

3.- Konpromezua **hartzea** 2014, 2015, 2016 eta 2017ko urteetako aurrekontuetan urtez urte 200.000,- €tako diru-kopurua gordetzea, EAJ/PNVri ordaindu ahal izateko

4.- Alkatea-lehendakaria **ahalmენტzea** elkar-erabaki akta eta oro har, erabakiak gauzatzeko sinatu beharreko agiri publiko edo pribatu guztiak egiteko.

7. Proposamena: Alkatetzak 2013ko maiatzaren 20an emaniko dekretua berresteko. **“Errenteriako Emakume eta Gizonen arteko II. Berdintasunerako Plana 2013-2016” onartzen duena.**

Idazkari nagusiak ondoko dekretua irakurri du:

“ALKATETZA DEKRETUA

Legeak ematen dizkidan eskumenez baliaturik, ondorengo DEKRETU hau eman dut:

Emakume eta Gizonen Berdintasunerako otsailaren 18ko 4/2005 Legearen 15.3 artikulua hau dio *“Foru aldundiek eta udalek berdintasunerako planak eta programak onetsiko dituzte, Eusko Jaurlaritzaren plangintza orokorrean ezartzen diren jarraibide eta gidalerroekin bat; halaber, eta horretarako beharrezkoak diren baliabide materialak eta ekonomi eta giza baliabideak eskainita, beren sail, erakunde autonomo eta menpean edo lotuta dituzten gainerako erakunde publikoetan aipatutako planek eta lege honek jasotzen dituzten neurriak benetan eta modu koordinatuan betetzen direla bermatuko dute.”*

Lege agindu honi erantzunez, Errenteriako Udalak 2007an egin zuen berdintasunaren eremuko lehenengo diagnosa. Diagnosi horretan jasotako emaitzak Emakume eta gizonen arteko I. Berdintasun Plana egiteko balio izan zuten.

2008ko abenduaren 19an, Osoko bilkuran onartu zen Errenteriako emakume eta gizonen arteko Berdintasun Plana 2008-2012. Plan honen bitartez ezarri ziran egun berdintasunerako politikak osatzen duten oinarriak.

Lau urte igaro ondoren, 2012aren amaieran, erabaki zen ebaluazio eta hausnarketa prozesu bat martxan jartzea, alde batetik, lehenengo Planaren betetze maila eta eraginkortasuna neurtzeko, eta bestetik, bigarren Berdintasunerako Planaren ardatz estrategikoak definitzeko. Prozesu honek lagundu digu hurrengo urteotan egingo dugunaren oinarriak finkatzen eta lan ildoak zehazten.

Ebaluazioa eta hausnarketa prozesua egin ahal izateko kontuan hartu dira urteko plangintzen memoriak eta bilerak egin dira Berdintasunerako Kontseilu, batzorde tekniko eta politikoarekin. Honez gain, herritarrekin eztabaida prozesu bat zabaldu da etorkizunerako erronkak definitzeko. Guztira, 50 pertsonak hartu dute parte, 35 emakume eta 15 gizonak.

Errenteriako Emakume eta Gizonen arteko II. Berdintasunerako Plana I. Berdintasun Planaren ebaluazioaren eta etorkizunera begirako erronken inguruko hausnarketaren emaitza da. Planak hurrengo urteetako ardatz eta helburuak zehazten ditu, halaber, helburu horiek lortzeko ekintza zerrenda jasotzen du. Dokumentu hau oinarritzat harturik, urtero berdintasunaren inguruko plangintza definituko da.

Emakundek-Emakumearen Euskal Erakundeak, 2013ko martxoaren 12an, Errenteriako Emakume eta Gizonen arteko II. Berdintasunerako Planaren aldeko txostena igorri du, edukiak Eusko Jaurlaritzak onartutako V. Planak dituen jarraibide eta gidalerroekin bat datozela zehaztuz.

Udaleko Berdintasunerako Teknikariak, 2013ko apirilaren 17an, aldeko irizpena eman du.

Berdintasunerako Informazio Batzordeak, 2013ko apirilaren 23an gaiari buruz aldeko irizpena eman du, bere onarpena proposatuz-

Udal Aholkulari Juridikoak, 2013ko maiatzaren 14an, Errenteriako Emakume eta Gizonen arteko II. Berdintasunerako Plana onartzearen aldeko irizpena ematen du.

Udaleko Berdintasunerako Teknikariak, 2013ko maiatzaren 14an, informatzen du Errenteriako Emakume eta Gizonen arteko II. Berdintasunerako Planean Emakundek- Emakumearen Euskal Erakundeak egindako gomendioak jaso direla.

Horregatik guztiagatik, apirilaren 2ko 7/1985 Legeak, Toki Araubidearen Oinarriari buruzkoak 21.1 s) artikuluan emandako eskumenez baliatuta,

ERABAKI DUT

- 1.- Onartzea Errenteriako Emakume eta Gizonen arteko Berdintasunerako II. Plana 2013-2016.
- 2.- Alkatetza dekretu hau Udalbatzara eraman berrestu dezan, eta Planaren eraginkortasuna berrespen horretara baldintzatu.”

Ondoren, mintzatu dira:

* Mendoza alkate jaunak (O.E. BILDU) esan du, Idazkariak aitatu duen moduan, gai hau Alkateari dagokiola, baina, bere iritziz, denek irizpena eman eta bozkatu beharrekoa da.

* Ferradas jaunak (Errenteriako Ezkerra) esan du bat datorrela Alkatearen iritziarekin. Alegia, Berdintasunerako bigarren Plangintza hau Udalaren konpromisoa izan dadin eta ez soilik Batzorde edo Alkateak dekretu bidez harturiko akordioa. Gaineratu duenez, hau garrantzitsua da, berdintasunean bizitzeko garai txarrak direlako. Izan ere, aurreko astean 48 ordu barruan lau emakume erailak izan ziren, eta aurreko larunbatean, Oiartzunen, 18 urteko gazte batek beste gazte bat erasotu zuen, berak duen informazioaren arabera, Errenteriakoa. Zentzu horretan, beste udal eta erakundeek ez bezala -berdintasunean elkar bizitzea sustatzea bilatzen duten politikak murriztu eta ezabatzen ari direnak-, Errenterian beste bide bat hartzen ari dira, bere aburuz, pozteko modukoa, eta ibili beharreko bide bat egiteko konpromisoa hartzen ari dira. Ibilbide hori hein batean egin dute bere garaian onartu zuten lehenengo Planarekin, eta bigarren plan honek izan behar du egiteke duten

bidearen baieztapena, batez ere, lehen aitatu dituen erakunde horiei aurre egin behar dielako, baita ziur aski laster onartuko diren lege batzuei aurre egin beharko dielako, horiek ere berdintasunean eragina izango dutelako, besteak beste, batzuetan bazegoela ematen bazuen ere, atzera egin ez dezaten, denen artean aurrera jotzeko.

* Herzog jaunak (PP) esan du eurek kontu hau gizartean bizia beste modu batera ikusten hasteko une gisa ikusten dutela; oraindik lehenengo urratsak ematen ari direla; albisteetan ikusten dituzten ezbehar izugarri hauek ematen badira, emakumeak eta gizonezkoak ezberdinak ziren iragan ankerrak ekarritako pentsamendu telurikoak pertsonengan oraindik dirautelako dela. Bere aburuz, egoera honek ez du 2 urtean eta 10 urtean bueltarik emango, baina lan-mota hauek ezinbestekoak dira gutxinaka-gutxinaka gizartean, gutxienez kultura eta sozial maila batekoen artean, berdintasuna sartzen joan dadin. Albiste mota hauek ez izatea edo gutxitzea epe luzean, eurentzat, zinegotzientzat, garaipen bat izango litzateke, nahiz eta, beharbada, denbora pasa ahala jabetu ez, ezta lan honen fruiturik ikusiko ere.

* Peña andreak (EAJ/PNV) esan du eurek ere bat datozela gai honek berretsia izan behar duela aitutzen denean, besteak beste, lehenengoa Udalbatzak onartu zuelako, eta hau, gutxienez, berresteko. Denboran atzera eginez, eta lehenengo Plana onartzeko eztabaida gogoratuz, bere Alderdiak zioen uste zuela Plan hura ez zela izango Udalak herriarentzat onartuko zukeen bakarra. Ez du uste profetak izan zirenik, ezta hurrik ere, baina ibili beharreko ibilbidea hain da luzea eta urratsak, nahiz eta eman, hain dira motxak, ezen krisiaren antzera, denbora luzez geratzeko etorri baita. Hala, lehen Plan bat egin zuten, gaur bigarrena berresten dute, eta hirugarren bat izango dela uste du. Euren aburuz, urratsak, nahiz eta txikiak izan, garrantzitsua da aurrerantz ematea eta egiten dena finkatzea, gisa horretan, Errenteriako Ezkerrak zioen bezala, aurrekontu-murritzketengatik edo gizarte gora-beherengatik, atzera ez egitea. Hortaz, esaten nuen moduan, hirugarrena ikusiko dute, baina bigarren Plan hau beharrezkoa da, batez ere bi egoerengatik: alde batetik, Ferradas jaunak zioen moduan, indarkeria matxistaren gorakada begi-bistakoa da. Era zehatz batean aboratu beharreko kontua da, gure herrian ere eman dituelako bere kolpeak. Bestalde, krisiak bereziki jotzen du emakumea, eta horrek berdintasunari dagokionean, emakumearen inguruko Aurrerapena atzeratzen du, emakumeen egitekoa atzeko garaietara itzultzen ari delako. Horregatik, une hauetan bereziki erne eta aktibo egon behar dute berdintasun politiken inguruan, zeren eta, azkenean galtzaile, gizona baino gehiago ateratzen delako emakumea, hots, kaltetuagoa. Hori guztiagatik, uste dute albiste on bat dela bigarren Plana hau onartzea. Eta dena goraipamena izan ez dadin, esan gura du Planak emandako emaitzaren ebaluazio bat egin ez bada ere, beharbada, faltan botatzen dutela diagnosi eguneratu bat, egungo argazkia alegia. Esan nahi baitu, ez soilik Planaren jarduketaren emaitzak, baizik eta, adibidez, immigrazio-diagnosia aurkeztu zaien moduan, iragan lau urtetan zer nolako eragina izan duen, nola mugitu den egoera lau urtez, zer nolako eragina izan duen krisiak lau urtez berdintasun-alorrean eta, beharbada, zer nolako politika bereziak burutu beharko lirатеkeen. Hala ere, oraindik garaiz daudela uste du. Gaineratu duenez, lehenengo Plana dena egiteke zegoela hasi zuten, eta jakina, egindakoa asko ikusi zen: Kontseilua eratu, Batzordea sortu, teknikaria kontratu, etab. Bigarren Planean, berriz, dena gehiago egituratuta zegoen, eta pittin bat gutxixeago ikusten da, nahiz eta lana aurrekoa bezain garrantzitsua izan. Berak ildo beretik jarraitzeko animatzen du, zeren eta emaitzak, nahiz eta hainbeste ez ikusi, lehengoak bezain garrantzitsuak dira, eta beraz, atzera ez egiteko finkatu beharrekoak. Zentzu horretan animo-mezuak eman nahi ditu.

* Rodriguez jaunak (Socialistas Vascos - Euskal Sozialistak) esan du –txantxa moduan– batzuetan Peña andrearen (EAJ/PNV) ondoren hitz egitea, hark asko egiten duenean, ez dutela izaten gauza handiegirik gehitzeko. Edonola ere, pozten dira bigarren Plana onartzeaz, eta bereziki pozik daude, zentzu osoan, Errenteriako Ezkerrako ordezkariaren lehenengo hitzekin. Beraz, ezer gutxi dute gehitzeko, eurek ekintza-mota hauek bultzatzen jarraituko dute, eta ildo horretan gogoz lana egiten jarraitzea nahi dute.

* Lopez de Echezarreta andreak (O.E.BILDU) esan du eurei garrantzitsua iruditzen zaiela Udalbatzak bigarren Plan hau berrestea, nahiz eta formalki ez izan beharrezkoa. Garrantzitsua iruditzen zaie, halaber, Plan hau parte-hartze prozesu batetik sortu izana, non lehenengo Planean egindako lana baloratu baitzen. Izan ere, beronek lagundu zien zein ziren erronka berriak definitzen. Labur bada ere, Plan honetan markaturiko ardatz estrategikoak aitatu nahi ditu. Alegia: gobernu ona, indarkeria matxista desegitea, emakumeak ahalmentzea eta biziaren ardatz nagusia iraunkortasuna izatea. Besteek esan dutenaren inguruan, dio, egia da indarkeria matxista hor dagoen gaitza dela, eta oraindik badagoela lan garrantzitsua egiteko. Alabaina, uste du Udala arlo horretan lan zehatz bat egiten ari dela, eta horregatik agertzen da Plan honen barruan Plan estrategiko gisa. Diagnosi bat egiten ari dira jakiteko herri honetan zein den indarkeria matxistaren egoera, eta abian jartzen ari dira eraso mota hauek jasaten dituzten pertsonekin lanean aritzen diren agente ezberdinen arteko hain beharrezkoa den koordinazioa. Gehitu duenez, alde horretatik, ziur aski izango da oraindik egiteke, baina lan garrantzitsua egiten ari direla uste du. Besteek esan duten moduan, uste du, garrantzitsua izango litzakeela azken lau urteetan hemen zer lortu den jakiteko azterlan bat egitea, baita, oro har, gizartean ere, eta gaur egun dituzten erronka berriak hain konplikatua den egoera honetan, emakumeei hainbeste eragiten diena.

Mintzaldiak amaitutakoan.

Udalbatzak, aho batez,

E R A B A K I D U

Berrestea 2013ko maiatzaren 20ko Alkatetza-dekretua, “Errenteriako Emakume eta Gizonen arteko II. Berdintasunerako Plana 2013-2016” onartzen duena.

8. Galdera-eskariak.

Ondorengo galdera-eskariak egin dituzte:

* Rodriguez jaunak (Socialistas Vascos - Euskal Sozialistak) Fanderiako presari buruz ondoko galdera egin du: jakin badakite, Auzo Elkartek gaia eztabaidatu duela, azken aldi honetan egoeraren berri jakiteko idatzi bat ere sartu dutela. Era berean badakite, Hirigintza Batzordean hala esan zitelako, Eguzkik Aldundian idatzi bati sarrera eman ziola, nahiz ez dakiten zenbat denbora daraman han. Orduan, berak jakin nahiko luke zein den egungo egoera eta uda partean berriro egiten hasteko zer nolako aukerak dauden. Izan ere, horrela ez balute egingo, ikusten dute epe laburrean kostua handituko dela, besteak beste, ur-bazterra, baita bidegorria ere, jausi daitezkeelako.

* Diez jaunak (O.E. BILDU) erantzun du epea ez dela hain laburra, hamar-hamabi urtez hitz egiten ari dutelako eta berak presa lehenago egingo dutela pentsatzen duelako. Haren hitzetan egoera honelakoxekoa da: presa egiteko obra lehiaketara atera zen, enpresek euren eskaintzak egin dituzte eta 1 zk.ko gutun-azalak ireki zituzten, baina ez dute bigarrena irekiko URA agentziak eta Aldundiaren baimenak iristen ez diren bitartean. Ez dute bigarrena irekiko, zeren eta, egingo balute, obrak nori eman erabaki beharko luketelako, eta espero dute ez gertatzea, baina obra egiteko baimen guztiak ez izatea gerta liteke, eta horrek suposatuko luke esleituriko enpresari kalte-ordain zenbait paga behar izatea obrak ezin izan zituelako egin. Hortaz, bada, baimenen zain daude. Bestalde, URA

agentziak esan die Eguzki talde ekologistaren idatzi bat dagoela Obra Hidrauliko Departamentuak eta Agentziak berak azterlan bat egiteko eskatuz, eta Udalarari eta talde ekologistari hitz egiteko aukera emango diete. Bere aburuz, behin datuak jasotakoan, ez da egongo inolako arazorik, Aldundiak berak bere bitartekoak jarri dituelako berori egiteko; obra hori egiteko hitzez emaniko baimenak zituzten, eta beraz, orain obrak hasteko ziurtagiri ofizialak iritsi zain daude. Hasi, uda garaian nahiko lituzke hasi, hori delako garairik onena, ur gutxi izaten delako.

Jarraian.

* Rodriguez jaunak (Socialistas Vascos - Euskal Sozialistak) esan du ONGei ematen zaizkien diru-laguntzei buruz beste galdera bat duela egiteko. Izan ere, ez lukete nahiko 2012an gertatu zena jazotzea, eta horregatik jakin nahi dute noiz egingo diren deialdiak, zein data aurreikusi dituzten, zein langilek berrikusiko dituen, hala nola partida horiek adskribatu diren departamentua?

* Mendoza alkate jaunak (O.E. BILDU) erantzun du partida Departamentu jakin bati adskribatuta dagoela. Besterik da -dio- aldatu behar izatea, baina une hauetan dagoena dago. Noiz egingo den, emango zioten konponbidea eman diotenean. Bere iritziz, oraindik garaiz daude eta erantzunak dituztenean, publikoki, inolako eragozpenik gabe, emango dituzte. Hortan ari dira, eta espero dute proposamena laster egin ahal izatea.

Ondoren.

* Rodriguez jaunak (Socialistas Vascos - Euskal Sozialistak) esan du galdera bat egin nahi zutela herriko gazteek bizi duten egoerari buruz eta duten arazoengatik, besteak beste, emantzipatzeko garaian eta prezio egokietan etxebizitza duin bat alokatzeko izan dituztenak. Horrela, iragan 2008ko abenduaren 11n, Udal honek Eusko Jaurlaritzaren Etxebizitza eta Gizarte Gaietarako Departamentuarekin lan-hitzarmena bat sinatu zuen Arramendiko 36 sektorean etxebizitzak sustatzeko, eta berorietaz baliatzeko lehentasuna herriko gazteek zuten. 2013ko apirilaren 16an, Eusko Jaurlaritzaren Etxebizitzako Kontseilariordeak bidalitako idatzi bat jaso genuen, Etxebizitza Sozialak Sustatzeko Zerbitzuburuak sinaturikoa. Bertan zioenez, 2012ko apirilaren 19an, promozio hori egiteko udal-baimena eman zela jakinarazten zen, eta une honetan Departamentu horrentzat ez dagoenez lehentasunen artean berori burutzea, uko egiten diotela obra egiteko udal lizentziari. Bere aburuz ere, promozio hori egiten hasteko bide estrategikoa aldatuko balute, eurei jakinaraziko zieten dagokien eran. Hortaz, talde Sozialistak jakin nahi du ea Gobernu Taldeak asmoa duen promozio hori mantentzeko, gazteek etxebizitzak alokatzeko beharra dutelako. Era berean, jakin nahi dute Alkateak zer egiteko asmoa duen hitzarmen hori mantentzeko eta promozio hori egiten hasteko.

* Mendoza alkate jaunak (O.E. BILDU) erantzun du galdera berari egin beharrean Eusko Jaurlaritzari egin beharko liokeela, hark bidali duela gutuna, edo, behar bada, Eusko Jaurlaritzaren alderdi bereko Udaltzako lankideei. Egindako gestioei dagokionez, berriz, esan behar du egun ere egiten ari direla, hain zuzen aspalditxo Eusko Jaurlaritzari gai hau eta beste bat ikusteko bilera bat eskatu zutelako, nahiz eta oraindik zain dauden. Berak ildo horri jarraitzeko asmoa du, ez du ezer aldatu irizpidearen inguruan. Hori horrela, uste du alojamenduen inguruko aurreko irizpena ere egokia zela. Eurek bide horri eutsiko diote eta saiatuko dira Eusko Jaurlaritzak erantzun bat eman dezan euren planteamenduen inguruan. Euren planteamendua aurtengo urterako asmoak, bi urterako edo betirako kentzea bada, ba horixe dute argitu beharreko kontua Eusko Jaurlaritzarekin. Eta, berriro dio, gestioak egiten ari direla.

* Rodriguez jaunak (Socialistas Vascos - Euskal Sozialistak) esan du, apika, EAJri galdetu beharko niokeela eginiko aipamenaren inguruan, aitatu behar du bere taldeak Eusko Legebiltzarrean egin dituela egin beharreko galderak. Horrek esan nahi du hortan ari direla lanean, han eragin eta egin behar dutelako gehien. Edonola ere, jakin gura zuten Udal honek eta Gobernu Taldeak ematen ari zen bultzada.

* Mendoza alkate jaunak (O.E. BILDU) erantzun du gai hau lehendik datorrena dela. Edonola ere, beste Eusko Jaurlaritza zenean, ez zuen erakutsi interes gehiegirik alojamendu mota hauek egiteko, bai ordea beste promozio batzuegatik. Berak uste du gauzak bere lekuan jarri behar direla, eta ez dio EAJ/PNV taldeari orain aurpegia ateratzeko asmorik, baina alojamendu-mota horiek sustatzeko garaian gaur arte, ez oraingo Eusko Jaurlaritzak ez lehengoak, ez dira agertu berorien oso alde, nahiz eta oraingoak ez duela egiteko asmorik erantzun duen. Aitzitik, aurrekoa isil-isilik egon zen, eta gai horretaz galdetuta ere, epe laburrera egiteko asmorik ez zutela erantzuten zuen.

* Rodriguez jaunak (Socialistas Vascos - Euskal Sozialistak) esan du bere Taldeak aurreko Eusko Jaurlaritzarekin harremanak izan zituela gai hau abian jartzeko, euren aburuz, Errenteriako gazteek etxebizitza horien beharra dutelako. Beraz, gobernua edozein koloretakoa izanda ere, bere Taldea ildo horretan bultzaka ibili da.

Galdera-eskariak amaitutakoan.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 19:20 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiaztatzen dut.